

泉州府志

第二千九册

卷之五十五

K295.7

2

泉州府志

第三千七百

卷一百一十五

泉州府志

泉州府志卷之五十五

文苑

國朝文苑一

何琪枝

諸葛倬

蔡嗣襄

黃日祚

李其蔚

李日燿

陳常夏

鄭纘祖
脩敏

黃中球

黃志瑛

黃虞稷

丁岷

蔡仕岳

周澎

吳方臯

何龍文

蔡震升

黃彥標

鄭得瀟

丁煒

富中琰

林之濬

蔡驥良

何琦

李丹桂

李鍾旺

李鍾德

李光北

光袁

李鍾佐

黃元高

傅爲霖

○何琪枝字士象號玉子晉江人幼隨父客三山從師受業入福州府庠試皆前茅楊雙淡曾爲督學延之西席旣而萊陽令張君復延至署民生國計多借箸焉以母老辭歸值橋遷貧病交攻歲試不及遭除名及督學孔公歸最琪枝以名附福泮籍居晉江呈准補考試卷古藻繽紛大加擊節琪枝爲文鎔經鑄籍尤長於詩幽姿逸韻盤旋紙端直欲與王李諸公相頡頏所著有玉子詩集

○諸葛倬字士年晉江人益長史世科孫副使義弟爲諸
生有聲隨兄之官多所贊助兄沒護喪歸值兄臨庾事
起部覈徵賾十三萬舉家惶懼倬獨肩其任謂庾敗不
自我生貪而罪波及死廉當擊登聞白寃狀凡三遣使
入都再具疏得旨乃下部議輕折米價而豁賾數三之
二甲申變後避居海島郡有貴人爲書相招謂幡然肯
來監司可立致倬回書力辭貴人乃以禍患危之復書
謂 聖主隆唐虞之德小臣守箕山之操代有其人

新朝政尚寬大須彌大千可問微塵必欲相強便當剗胸着

地勿問是用是肉矣貴人得書惘然失曰利不能

不能奪志堅矣聽之既乃舉母回郡城菽水承歡母歿

哀毀如禮既襄葬仍入海展拜父墓日取左氏春秋及

漢晉諸史蠅頭小楷手自抄錄綴以論斷博通經典旁

及諸子百家靡不淹貫工行楷八分隸字片紙人爭寶

之爲詩伐毛洗髓去陳取新特闢堂奧不落蹊徑自成

一家言有集二十卷藏于家郡縉紳學士稱其出入左

國鞭策史漢文割韓歐之席詩登李杜之堂非近代所

能幾子璐孝友工詞章著有淮上詩集見亦能詩有集

行世

節雪泥
集文抄

○蔡嗣襄字君亮晉江人存省曾孫崇禎己卯舉人入

國朝授香山教諭調澄邁歷羅田知縣嗣襄工詩文宦

遊粵嶠復三至雲間與諸名士相倡和鄙六朝之縟麗

追兩漢之清古境以幽而愈曲詞以折而愈新嶮崎歷

落雲氣縹緲所著有讀易堂集秋思集南征草汗漫篇

節王恥古宋子

建詹竹也各序

○黃日祚字世隆號彤沐晉江人崇禎己卯舉人順治己

丑進士授兵部主事轉督捕員外郎巡撫勤肅剔弊釐

好羣克巨猾俯首屏跡會考各省學臣日祚列第一督
學河南掛議歸晚年自號六已居士優游杖履散懷山
水常棲遲紫雲僧舍或竟日始返年八十五卒日祚博
學警敏時文之外尤長於詩古文辭書法宗文徵明趙
孟頫得者以爲榮司衡河南自負藻鑑所遴取皆佳文
其子與婿勾串納賄密將其所取卷割換卷面以僞亂
真遂致羣議紛紛解組歸里在日祚實矢公矢慎清正
無他手訂古今文段論畧及制義裨舉業者數種所著
詩有北遊吟豫遊吟備載其邇園集中

節李廷尉撰誌

○李其蔚字豹君同安人入晉江庠崇禎壬午舉人順治
壬辰進士授汾州府推官工詩文字法所著有秋懷磊
園紀槩至見錄等集

同安志

○李日燦字性甫安溪人先春季子幼卓立自振入庠有
聲其學長於史書自春秋內外傳司馬氏以下四漢之
書南北朝史逮涑水通鑑皆能熟識默誦而屈指其興
廢成敗天植英偉嘗感激抗懷忠義欲樹功名二輩後
絕意仕進歲乙未家陷於賊仲兄日燦

即自三山卽入

賊壘見賊魁請傾家貲以贖日

自三山卽入

而窮以力所必不能日燔夜與兄閒行賊壘巖壑閒旁
皇周視私謂兄曰是非可以情理邀矣此中守衛羸弱
可襲奪也因密示懸崖有可攀緣之徑兄歸遂鳩鄉衆
夜搗賊巢率如其策脫難後優游田里整肅宗規爲族
黨典型本邑 聖廟比於亂請邑令脩葺身爲督役士
論多之卒年八十有五子光讓壬午鄉薦崇安教諭孫
鍾冲癸酉鄉薦歷官州牧

安溪志

○陳常夏字長賓號江園本姓郜同安人南靖籍居晉江
家貧篤學順治辛卯舉人辛丑會試第一出爲米脂令

辭歸僑居漳之龍溪蕭然一室左經右史雖脫粟不繼
怡然自得也有故人贈之金悉以分諸匱乏者晚學益
邵望益高負笈從遊者如雲日與諸弟子講學不倦卒
學者稱爲鐵山先生著有課兒家乘江園詩文集

雍正志稿

○鄭纘祖字哲遠號遠公南安人明邑諸生康熙癸卯與
叔鳴駿弟纘緒率衆歸

朝授叅政職隸旗籍以事落職居閒殫心著述喜爲詩歌
嘗作蛛網落花及水中雁字詩一百二十首時流稱之

著有雪泥集燕山紀遊滙香編海外文章三春紀事等

集年七十二卒于京仲子脩敏字遜實嗜學能文有孝行將入都道聞母逝號哭奔喪驢蹶墜水傷臂衰經盡濕不肯易服行三日手足不能屈伸舁抵京二旬而歿臨歿猶哭母不絕聲太史黃虞稷爲作孝子傳

○黃中球字子寶號非寶晉江人康熙辛亥歲貢授延平府訓導與脩閩省通志葺學宮增祭器建啓聖祠興明倫堂課諸生以當參古今之變窺聖賢之旨體諸身而見諸事不專以科舉爲業督學趙雷文察其規條曰程朱遺矩也不媿居四賢之地矣索其近所著述以詩說

進擊節曰風雅之道不在茲乎序而傳之提督張侯雲
翼聞其名入關卽訪見之禮遇有加中球住屋先於戊
午閒爲強弁佔據至是投啓云家世清白僅傳一枝之
棲國初肇基不入五營之冊侯卽飭還此外一無所
干遷長樂教諭教一如延上官交薦辭以親老不堪遠
遊乃止丁內艱年已七十餘猶不御酒肉起補上杭教
諭致仕歸囊無餘貲至典衣鬻榻以爲資卒年八十五
卒於家中球年十四卽爲諸生動履端謹禮義自律博
覽羣書無不辨其義類窮其指歸爲文敏捷典贍深博

無涯涘居官課士而外杜門却埽目不離卷手不停書
至老不倦子孫或勸休息輒曰一日無工夫胸中有大
難過處吾樂此不爲疲也所著有藏山待二十卷六經
法言四十四卷史論附詠史詩八卷詩說二卷駢枝彙
典四卷芙蓉樓燼草六卷

雍正志稿
參家傳

○黃志璵字曾韞號玉齋晚號宓菴晉江人鳳翔曾孫
袁
孕子康熙壬子第二名舉人癸丑進士綜覽羣經尤工
書法釋褐家居獨操選政所選唐宋文韓詩歷科墨皆
足覺部漏迷丁外艱服除補內閣撰文中書舍人詔制

誥勅多出其手下直就邸雖和寒丙夜未嘗不手一編
推陞典籍以疾假歸不復出年六十二卒所著有留畊
堂文集得閒堂詩草子道泰

節黃氏家傳

○黃虞稷字俞邵號楮園晉江安平人居中子虞龍弟甫
入塾經書口授卽成誦七歲能詩出語驚人有神童之
稱稍長工帖括才思颯發原本經術十六入江寧庠父
居中積俸購書六萬餘卷至虞稷益徧搜秘本擴至八
萬餘卷

嘗建古歡社與同

志校刻諸書汲汲表章父兄之遺文又立五經會經史
會江左諸名公蔚然咸集郵牘家絃戶誦試皆前列而
困棘闈三十餘年益廣搜博覽探精抉要名馳海內康
熙十七年

特命內外大臣舉博學鴻詞之士羅繼峯以虞稷薦至京
丁內艱徒跣奔喪未及與試嗣因纂脩明史徐玉峰復
薦虞稷協脩授翰林院纂脩明史支七品俸官俟告成
優叙虞稷分纂列傳藝文等志多而且信二十三年纂
脩